



mjesečni Bilten

omladinska mreža bosne i hercegovine

juni
lipanj
2019.

241

Dragi prijatelji/ce,

Predstavljamo vam **junsko** izdanje mjesečnog informativnog Biltena Omladinskog resursnog centra (ORC) Tuzla i Omladinske mreže Bosne i Hercegovine, koja za sada broji **186** organizacija i **115** pojedinaca iz **75** mjesta BiH.

Bilten trenutno izlazi na bosanskom-srpskom-hrvatskom i engleskom jeziku.

Bilten sadrži informacije o radu Omladinskog resursnog centra (ORC-a) Tuzla, mjesečne aktivnosti omladinskih organizacija, neformalnih grupa i pojedinaca - članova Omladinske mreže Bosne i Hercegovine, njihove planove za naredni period i ostale korisne obavijesti namijenjene mladima i NVO sektoru (donatorski pozivi za projekte, konferencije, seminare, školarine, stipendije i sl.).

Ukoliko želite da budete na mailing listi za naredna izdanja mjesečnog informativnog Biltena, ili ako imate pitanja ili sugestije, javite nam se. Mjesečni informativni Bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

www.omladina-bih.net



SADRŽAJ

Aktivnosti u junu 2019.....	2
Planovi za juli 2019.	5
Aktivnosti članova mreže.....	6
Saopštenja/informacije/donatori/pozivi	21

Uživajte u čitanju!

AKTIVNOSTI ORC/HCA U JUNU 2019.

Divided Past – Joint future – Sastanak partnera



U Sremskim Karlovcima (Srbija) je u toku mjeseca juna održan sastanak partnera na projektu Divided Past- Joint Future, među kojima je i Omladinski resursni centar Tuzla sa Slobodanom Blagovčaninom kao predstavnikom.

Cilj sastanka bio je upoznavanje partnera sa aktuelnim izazovima sa kojima se suočavaju u projektu DividedPast - Joint Future, a koji se tiču završetka projekta i pozicije Omladinskog komunikativnog centra Banja Luka kao vodećeg partnera.



Sastanak regionalne radne grupe - IRI



Sedmi sastanak regionalni radne grupe okupljene oko International Republican Institute (IRI) se održao 13. i 14. juna u Sarajevu.

Sastanak je okupio predstavnike javnog i civilnog sektora država Zapadnih Balkana uključenih u rad na prevenciji radikalizma i nasilnog ekstremizma.

Predstavnik Omladinskog resursnog centra Tuzla je Slobodan Blagovčanin

Klima bez dima

Svjetska Banka u BiH organizovala je 18.juna u Sarajevu dodjelu nagrada za pobjednike #KlimaBezDima multimedijalnog takmičenja, koje je imalo za cilj da predstavi kreativne multimedijalne radove mladih koji promovišu okruženje bez duhanskog dima i podržavaju izmjene zakona o kontroli duhana u BiH. Tokom razgovora sa pobjednicima, među kojima je i članica Omladinskog resursnog centra Tuzla Mirela Biković, Emanuel Salinas, šef ureda Svjetske Banke za BiH i Crnu Goru, istakao je da je „čak i najbolji zakon beskoristan ako ljudi ne promjene svoje navike“.



Veliko hvala svima koji su učestvovali u takmičenju, te Ambasada Švicarske u Bosni i Hercegovini za podršku koja je dala svoju podršku inicijativi Klima bez dima. Pored Mirele Biković, dio pobjedničke ekipe bili su i Eldin Subašić i Medina Delić, također članovi ORC-a Tuzla.

Omladinska grupa ORC Tuzla

Promocija knjige „Kapitalizam i sloboda“

U Tuzli se 14.06, sa početkom u 16:00 časova, u prostorijama IPI Akademije Tuzla, održala promocija knjige "Kapitalizam i sloboda", autora Miltona Friedmana, ekonomskog nobelovca i jednog od najpoznatijih promotora ekonomskog liberalizma. Promociji pomenute knjige prisustvovali su i članovi Omladinske grupe Omladinskog resursnog centra Tuzla.

Riječ je o kapitalnom djelu iz oblasti popularne ekonomije koje je utjecalo na milione ljudi širom svijeta.

Ovo je prvi prevod i izdanje knjige na bosanskom jeziku.

Knjiga je izdata od strane udruženja građana "Multi", IPI Akademije i izdavačke kuće Bosanska riječ.



Interaktivna izložba



11. juna se u prostorijama Amica Educa održala interaktivna izložba na temu izbjeglica - kako onih u prošlosti, tako i ovih trenutnih. Sama izložba je počela u 14h, a aktivno sudjelovanje je trajalo oko dvadeset minuta. Aktivno sudjelovanje se sastojalo od toga da sudionici pogledaju fotografije izbjeglica i na papiru napišu svoja osjećanja koja su izazvana od strane tih fotografija. Na interaktivnoj izložbi sudjelovali su i članovi Omladinskog resursnog centra Tuzla Enida Jakupović i Duško Majkić.



Trening nenasilne komunikacije

U sklopu projekta "Nenasilna komunikacija", podržanom od strane IN Fondacije, u Domu mladih Tuzla, 9., 15. i 22 juna održane su radionice.

Radionice su trajale 6 sati, a na njima su učesnici kroz razne igrice, vježbe, razgovore i meditaciju radili na samospoznaji i nenasilnom rješavanju problema i konflikta.

Trening su vodile certificirane trenerice za nenasilnu komunikaciju, a po završetku treninga učesnici su dobili potvrdu o završenom I stepenu treninga nenasilne komunikacije.

Na treningu su prisustvovali i članovi Omladinske grupe Omladinskog resursnog centra Tuzla Enida Jakubović i Benjamin Burek.



REDOVNE AKTIVNOSTI ORC i hCa TUZLA


Tokom juna radili smo na održavanju i razvoju komunikacija i koordinacije unutar Omladinske mreže Bosne i Hercegovine (www.omladina-bih.net). U okviru toga smo svakodnevno na mejling listu mreže (posta@omladina-bih.net), ali i na druge adrese u Bosni i Hercegovini i regiji distribuirali informacije interesantne za mlade i omladinski aktivizam u BiH. Vršili smo korespondenciju sa organizacijama i

pojedincima zainteresovanim za rad mreže, odgovarali na upite vezane za određene aktivnosti, edukacije i ostale informacije vezane za aktivizam mladih u BiH. Isto tako, naš projektni tim nastavio je sa apliciranjima za projekte.

PLANOVI HCA/ORC-A ZA JULI 2019.

- Početak implementacije nove kampanje - „CAT 19“. U okviru ovog projekta u naredom periodu naše aktivnosti su nastavak sa partnerima, pripreme tehničkog dijela kampanje, te planiranje kampanje.
- Aktivnosti omladinske grupe ORC-a Tuzla
- Početak aktivnosti ALF BH mreže (2019. – 2020)
- Nastavak apliciranja za projekte i učešće u partnerskim projektima u regiji
- Nastavak aktivnosti u okviru partnerskog projekta koji vodi PRONI Brčko – “Mladi u borbi protiv nasilnog ekstremizma”, a u okviru programa MATRA Nizozemske ambasade u Sarajevu.
- Održavanje treninga iz društvenih inovacija na polju izgradnje mira i pomirenja, u okviru projekta „Divided past – Joint future.

***Radi do te mjere da se ljudi
istripuju da su vanzemaljci
krivi za tvoj uspjeh!***



AKTIVNOSTI ČLANICA OMLADINSKE MREŽE BiH



HO „PARTNER“ Banja Luka

Ul. Srđe Zlopogleđe 55, 78000 Banjaluka

Tel./fax: +387 51 250 730, 250 731

E-mail: partner@teol.net

Web: www.hopartner.org

Realizacija projekta „Banja Luka – Inkluzivna zajednica“



Humanitarna organizacija „Partner“ je od 01.11.2018. do 30.06.2019. godine implementirala projekat „Banjaluka – inkluzivna zajednica“, koji se realizovao u sklopu Regionalnog programa lokalne demokratije na Zapadnom Balkanu – ReLOaD, kojeg je finansirala Evropska unija (EU), a implementirao Razvojni program Ujedinjenih nacija (UNDP), a sufinansirao Grad Banja Luka.

Glavni cilj projekta je bio da se omogući potpuno ravnopravno i punopravno kretanje osoba sa invaliditetom (građana i posjetilaca) u Banjaluci kroz korištenje javnog prevoza i saobraćajnica po osnovi jednakih mogućnosti sa ostalim građanima i time povećati njihovu uključenost u zajednicu i korištenje svih resursa zajednice.

Centralna aktivnost projekta bila je kampanja „Hoću da se vozim autobusom“ koja se održala u aprilu 2019. godine na Trgu Krajine u Banjaluci. Kampanju smo realizovali tako što su osobe koje koriste kolica, zajedno sa svojim asistentima, predstavnicima Gradske uprave Banja Luka, predstavnicima Narodne skupštine Republike Srpske i predstavnicima Skupštine Grada Banja Luka, išli u vožnju autobusima. Vozači, koji su u prethodnom periodu prošli obuku, pokazali su veliku zainteresovanost da daju svoj lični doprinos u promociji prava osoba sa invaliditetom na korištenje javnog prevoza.





Prije početka same kampanje, organizovali smo Doručak sa novinarima kako bi najavili kampanju i obezbijedili njeno medijsko praćenje. Tom prilikom, pored projektnog tima, domaćini su bili i predstavnici Odjeljenja za saobraćaj Grada Banjaluka i UNDP-a. Veliki odaziv pisanih i elektronskih medija nam je bio dobar pokazatelj da će kampanja biti jako uspješna.

U saradnji sa Turističkom organizacijom Banja Luka kreirana je aplikacija „Accessible Banja Luka” - lista/geografska pozicija mjesta u Banjaluci koja su pristupačna korisnicima invlidskih kolica. Mapa je urađena u Google Map API i firebase, kroz koji su unijete lokacije koje su volonteri HO „Partner” kroz dvomjesečne posjete i istraživanja označili kao prilagođene. U lokacijama su uvedeni restorani, kafići, muzeji, tržni centri, prilagođeni toaleti kao i lokacija HO „Partner” i Gradske turističke organizacije. Aplikacija je postavljena na web sajtu Turističke organizacije Banja Luka i HO „Partner”.



Rješavanjem pitanja kretanja osoba sa invaliditetom dobrim dijelom se rješava pitanje njihovog učešća u zajednici, zadovoljavanja ličnih potreba, ali i političkog učešća što je direktno vezano za dalje unaprjeđenje položaja ove društvene grupe.



Projekat finansira
 Europska unija



Regionalni program lokalne demokratije na Zapadnom Balkanu – ReLOaD, finansira Europska unija, a implementira Razvojni program Ujedinjenih nacija (UNDP).



H.O. MUSLIMANSKO DOBROTVORNO DRUŠTVO – MERHAMET DOBOJ

Ul. Kralja Aleksandra 17, 74000 Doboje
Tel./fax: +387 53 226 886
E-mail: merhamet.doboj@cutuk.net
FB: www.facebook.com/Merhamet-Doboj

Osim stalnih aktivnosti koje podrazumjevaju: Evidentiranje članarine, štampanje korisnicima molbi, žalbi, raznih dopisa, fotokopiranja, rada sa članovima, pružanja informacija, raspodjele humanitarne pomoći, izrada projekata i prisustvo seminarima, okruglim stolovima i drugim sesijama, Merhamet Doboje je tokom juna radio na sljedećem:

10. juna Sastanak predsjednice "Merhameta" Doboje, Avdić Fakte sa predstavnicom OSCE- a za ljudska prava, Brankicom Tešanović koja se nesebično zalaže da pomogne u rješavanju problema, ukoliko postoje i na čemu smo joj veoma zahvalni.



31. maja Izvršena je raspodjela humanitarne pomoći prehrabrenih i mesnih proizvoda donacija H.O."Merhamet" Maglaj, kojom su obuhvaćeni svi članovi "Merhameta", kao i one socijalno ugrožene kategorije. Aktivisti "Merhamet-a", zajedno sa predsjednicom Avdić Faketom se maksimalno trude da obezbijede koliko toliko prehrambenih proizvoda, kako bi pomogli najugroženijim članovima.



H.O."Merhamet" Doboje je podržao i aktiviste I.Z.Medžlisa Doboje koji su se organizovali za "Marš mira" za Srebrenicu pješacenjem. Donirali smo im konzerve, tjestenine, eurokrem, vlažnih maramica koliko smo bili u mogućnosti.



19. juna predsjednica "Merhameta" Doboje prisustvovala je seminaru "Genesis NVO" iz Banja Luke na temu "Dijalog za budućnost" - unapređenje prosvjetnog kadra u školama, tako i roditelja i djece. Seminar je veoma dobro zamišljen i nadamo se da će se rezultati i ostvariti.

20. juna "Udruženje žena Derventa" implementira projekat i "Aktivizam civilnog sektora za pomirenje u regionu bivše Jugoslavije" podrška Rekom-u ", gdje je i NVO "Merhamet" Doboj partner. 20 Juna su održane radionice na temu "Jačanje uloga žena" i utisci i preživljavanje tokom prošlog rata. Bilo je veoma interesantno, jer su priče žena veoma dirljive.



26. juna aktivisti "Merhameta" Doboj prisustvovali su na Fokus grupi za izradu plana "Kohezivne zajednice" na poziv OSC-a, a čiji je facilitator bila Snježana Šešlija iz organizacije „Topeer“ Doboj . Neki od zaključaka sa te fokus grupe bili su:

- Da jačamo zajedničko samopouzdanje
- Samo zajedničkim snagama možemo ići naprijed, otvorenim dijalogom i iskrenim željama.
- Da nam svima bude bolje, poručuje koalicija: "Tolerantno I pozitivno iz Doboja".





PRONI Centar za omladinski razvoj

Ul. Hadži Vasvije Zejčirović 5, 76100 Brčko distrikt BiH
Tel./Fax: +387 49 217 695
E-mail: info@pronib.ba
www.proni.ba

Pozivi za učesnike:

„Reci NE nasilju“ u POK Mostar
„Kako postati poželjan na tržištu rada“ u POK Mostar
„Obuka za menadžere društvenih mreža“ u POK Mostar
Više o pozivima i načinu prijave na www.proni.ba

UpDatAed



PRONI Centar za omladinski razvoj učestvovao je na “UpDatAed Towards digitally safe youth organization, Seminar for standardisation” kojeg je organizovao Connect International uz podršku Council of Europe i European Youth Foundation u periodu od 27.05. do 01.06.2019. u Solunu, u Grčkoj.

Na seminaru je učestvovalo 25 učesnika iz raznih omladinskih organizacija koje dolaze iz 10 zemalja širom Evrope.

Tema seminara bila je upravljanje i zaštita naših podataka, te upravljanje i zaštita podataka naših korisnika. GDPR (General Data Protection Regulation) koji je već odavno zastupljen u državama EU, ima cilj da korisnicima interneta u što

jednostavnijem formatu objasni njihova prava prilikom slanja svojih ličnih informacija online.

Aktivni i ravnopravni u svojim zajednicama

PRONI Omladinski klub Bijeljina učestvovao je na dvodnevnoj obuci mladih u okviru projekta IN Fondacije “Aktivni i ravnopravni u svojim zajednicama”.

Projekat je podržan od Ujedinjenih nacija “Dijalog za budućnost: Promovisanje društvene kohezije i raznolikosti u Bosni i Hercegovini” koji pod pokroviteljstvom Predsjedništva Bosne i Hercegovine provode UNICEF, UNSCO i UNDP.

Obuka je održana 8-9.06.2019. godine u Brčkom sa još 20 mladih učesnika iz Tuzle, Bijeljine i Brčkog. Mladi su prošli obuku na temu rodno zasnovanog nasilja i pisanja prijedloga projekata, a imaju i priliku da sami napišu projekte, te dobiju finansije za sprovođenje istih kako bi kroz različite inicijative radili na prevenciji i podizanju svijesti o temi rodno zasnovanog nasilja.

PRONI predstavio rad omladinskih klubova u Briselu

U periodu od 05 – 06 juna 2019 predstavnica PRONI Centra za omladinski razvoj, Adina Halilović, boravila je u Briselu, gdje smo imali priliku predstaviti rad PRONI omladinskih klubova i način na koji PRONI vidi omladinski rad u zajednici, te isti primjenjuje tokom 21 godine svog postojanja.



„Sportom protiv nasilja“

PRONI Centar za omladinski razvoj, zajedno sa JU Tehničkom školom Brčko, uspješno je realizovao fudbalski turnir „Sportom protiv nasilja“ koji je realizovan kroz „Budi Muško Klub“ projekat. Na fudbalskom turniru su učestvovala 33 ekipe i bilo je direktno uključeno više od 300 mladih.

Važno je napomenuti da su učenici radili na izradi golova koji su bili oštećeni kako bi se turnir održao, također i na samoj organizaciji turnira.

Budi Muško Klub ima za cilj da se, kroz sprovođenje istraživanja, implementaciju edukativnih radionica i aktivnosti kampanje „Budi muško kluba“, podigne svijest, obrazuje i utiče na promjene u ponašajnu učenika/ca srednjih škola i da se promovišu osnovne vrijednosti ovog projekta kao što su rodna ravnopravnost, prevencija nasilja i zdravi životni stilovi. Projekat Budi Muško Klub podržan je od strane CARE International.

Regionalni omladinski forum znanja

Generalni menadžer PRONI Centra za omladinski razvoj, kao korespondent osoba za iz BiH, učestvovao je u radu Godišnjeg sastanka Evropskog Centra Znanja o Omladinskim politikama i Mreže Mladih Evropskih Istraživača.

Sa nama su bili i predstavnici drugih omladinskih inicijativa koji su prezentovali svoje rezultate rada u oblasti istraživanja pitanja mladih na “Regionalnom Omladinskom Forumu Znanja” koji se fokusira na regiju Zapadnog Balkana.

Događaj je organizovalo Partnerstvo za mlade CoE/EU.

„Mladi u dijalogu“



Youth for Peace, u saradnji sa Regional Youth Cooperation Office - RYCO, uz podršku OSCE Mission to Bosnia and Herzegovina u #POKMostar implementirao radionicu "Mladi u dijalogu".

Mladi od 17 do 25 godina iz Mostara su imali priliku unaprijediti svoje znanje i vještine o slobodi vjere, te međusobnom poštivanju i razumijevanju među pojedincima i zajednicama različitih religija i uvjerenja, te kako se ovo temeljno ljudsko pravo može unaprijediti za dobrobit svih.

Aktivnosti PRONI Omladinskih klubova

POK Banja Luka

- Započeo je Trening emocionalne pismenosti (Grupa 1 i Grupa 2)
- Započeo je Edukativne radionice na engleskom (Grupa 1 i Grupa 2)
- Održan je drugi modul PRONI Akademije omladinskog rada
- Polaznici Obuke za menadžere društvenih mreža (Grupa 1) radili su na izradi misije i vizije organizacije, vizualnom identitetu, ciljanim grupama, glavnim porukama i kanalima distribucije istih
- Polaznici Obuke za menadžere društvenih mreža (Grupa 2) su učili o društvenim mrežama kroz praktični rad.



POK Mostar

- Bili smo domaćin mladima koji su učestvovali u diskusiji „Bogatstvo u različitosti“
- Započela je Obuka za menadžere društvenih mreža

POK Bijeljina

- Održan je drugi modul PRONI Akademije omladinskog rada

POK Sarajevo

- Održan je drugi modul PRONI Akademije omladinskog rada





OMLADINSKA ORGANIZACIJA "SVITAC"

Ul. Jusufa Čampare bb, 76100 Brčko Distrikt BiH
Tel./Fax: +387 49 211 032
E-mail: svitac@gmail.net
Web: www.svitac.org
FB: www.facebook.com/omladinska.svitac

Dnevne radionice



Omladinska organizacija Svitac je nastavila sa svakodnevnim aktivnostima po redovnom rasporedu, prva grupa učesnika od 11:00-13:00 uzrasta od 4-7 godina, a druga grupa učesnika od 14:00-15:30 uzrasta 8+. Mlađi učesnici su kreirali edukativne stvari uz pomoć lokalnih i međunarodnih volontera. Grupa najmlađih učesnika je ovaj mjesec imala priliku napraviti/nacrtaťi dvogled od kartona, zatim žabice i ptice od papira u boji. Slušali su priču „Mač mira,“ i „Mačak u čizmama“, te su naučili par jednostavnih riječi iz ovih priča, prilagođenih njihovom uzrastu, na engleskom. Kako smo u junu dobili nove učesnike, vježbali smo abecedu i osnovne geometrijske oblike, te pisanje vlastitog imena

latinicom. Na kreativnom dijelu su pravili 3D maketu grada, bojali i radili na radnim listovima sa crtežima raznih geometrijskih oblika i životinja, vježbali spajanje tačaka i kreiranje slike. Na muzičkim radionicama su svirali zajedno na udaraljkama i akustičnim instrumentima. Drugi dio radionice je namijenjen za relaksaciju, osvježanje, jogu, sportske i razne takmičarske igre. Cilj ovih aktivnosti kao i do sada je da djeca razviju maštu i da koristeći razne materijale izraze svoju kreativnost, te da razviju motoriku, osjećaj tolerancije i poštovanje prema drugima i usvoje lijepo ponašanje.

Učesnici druge radionice (14:00-15:30), za uzrast 8+, su vrijedno učestvovali u raznim aktivnostima. Ponedjeljkom je kreativno izražavanje na kojima su učesnici i ovaj mjesec pravili kreacije koristeći razne materijale; učili su o osnovama slikanja uz aktivno slušanje različitih muzičkih stilova. Utorkom su učesnici vježbali engleski jezik i svakodnevnu komunikaciju; i ovaj su mjesec rađene igre prijateljstva, koje poboljšavaju učenje stranih jezika u grupi i timski rad. Pored ovih aktivnosti, učesnici su na muzičkim radionicama vježbali pisanje nota, akorde na klaviru i spajanje desne i lijeve ruke. Srijedom su se održale informativne radionice „Role models“ i „Google earth“ na kojima su učesnici „putovali,“ po svijetu. Četvrtkom su se družili uz sportske aktivnosti društvene i teambuilding igre, a petkom su nastavili raditi na radionicama japanskog jezika, ovaj put brojeve. U toku mjeseca su takođe imali priliku upoznati se sa osnovama ophođenja sa psima i pravilima ponašanja kada se nalazimo u blizini ovih životinja. Cilj i ovih aktivnosti je da učesnici razviju maštu i da koristeći razne materijale izraze svoju kreativnost, razviju motoriku, osjećaj tolerancije, poštovanje prema drugom i usvoje lijepo ponašanje. Koordinator radionica je bio Adin Midžić uz asistenciju lokalnih, Weltwärts i EVS/ESC međunarodnih volontera. Sve aktivnosti se održavaju u Omladinskom centru Brčko distrikta.

Radionice gitare

Učesnici ovih radionica utvrđivali su naučeno gradivo i radili na novim etidama, kompozicijama i pjesmama kao što su: „Song for My Father“ (H. Silver), „Freddie Freeloader“ (M. Davis), „Lady Bird“ (T. Dameron), „Tango and Sky“ (R. Dyens), „Etida br.1“ (Heitor Villa Lobos), „Levantinska Svita“ (D. Bogdanović) i druge.



Radionice sambe

Učesnici ove radionice su radili na novoj kompoziciji (Red Sand). Kompozicija je u E-molu sa nešto sporijim tempom. Takođe, na kraju mjeseca grupa je počela raditi na novoj ideji u H-molu.

Globalni dan roditelja

01. 06. obilježavamo Globalni dan roditelja. Ovaj datum je ustanovila Generalna skupština Ujedinjenih naroda 2012. godine. U rezoluciji kojom je ovaj dan proglašen Međunarodnim danom roditelja, navedeno je da porodica **ima primarnu odgovornost za njegu i zaštitu djece** i da ona trebaju rasti u obiteljskom okruženju i u atmosferi sreće, ljubavi i razumijevanja. Omladinska organizacija Svitac je održala radionicu za djecu od 4 do 7 godina u kojoj smo razgovarali o članovima porodice i dobrim djelima u krugu porodice. Naši gosti na ovoj radionici, članovi Lokalnog tima AsuBiH su zajedno sa dnevnim koordinatorom uradili skeč, prilagođen uzrastu učesnika, u kojem se identificira primjer dobrog i lošeg ponašanja. Na kraju radionice smo napravili poklon kartice za roditelje sa porukama ljubavi. Radionica je održana u prostorijama Omladinskog centra Brčko distrikt.

Svjetski dan zaštite okoliša

Svjetski dan zaštite okoliša je najvažniji dan UN-ovog poticanja ekološke osviještenosti i djelovanja na području zaštite. 5 juni kao Svjetski dan zaštite okoliša izabran je na UN-ovoj Konferenciji o ljudskom okruženju i okolini u Stockholmu 1972 godine, kada je donesena i odluka o pokretanju UN-ovog programa. Omladinska organizacija Svitac je održala radionicu za djecu od 4 do 7 godina, na kojoj se razgovaralo kako oni mogu doprinijeti zaštiti njihovog okoliša, te su identificirali problem prilagođen za njihov uzrast iz svakodnevnog života. Dnevni koordinator je prezentovao problem, a njihov zadatak je bio da nađu rješenje koje je najpogodnije za očuvanje okoliša. Na kraju radionice su crtali jedan dio grada koji ima posebno značenje za njih i u kojem nema smeća.

Druga grupa učesnika je imala diskusiju o reciklaži i zašto je trebamo praktikovati. Na kreativnom dijelu radionice su ocrtavali razne oblike lišća sa raznih vrsta drveća u okolini Omladinskog centra.

Svjetski dan borbe protiv dječijeg rada

Svjetski dan borbe protiv dječijeg rada (World Day Against Child Labour) obilježava se 12. Juna, sa ciljem podizanja svijesti o neprihvatljivosti dječijeg rada i pokretanja akcija u svijetu protiv dječijeg rada i zapošljavanja djece.



kojeg posla. Na radionicama je učestvovalo 22 učesnika uzrasta 4 do 13 godina. Radionice su se održale u prostorijama Omladinskog centra Brčko distrikt.

Svjetski dan izbjeglica

Odlukom Generalne Skupštine UN-a iz 2001. godine 20. juni proglašen je Svjetskim danom izbjeglica, koji se obilježava u cijelom svijetu. Omladinska organizacija Svitac je održala radionicu za djecu uzrasta 4-7 godina, na kojoj se razgovaralo na temu o sigurnosti njihovih domova i da li žive u državi u kojoj vlada mira. Potom su identifikovali države u kojima nažalost nije mir, te da su zbog toga mnoge porodice napustile svoje domove. Konverzacija je naravno bila prilagođena njihovom uzrastu. Na kraju radionice su bojili radni list prilagođen temi radionice.

Druga grupa učesnika uzrasta 8-13 godina je učestvovala u interaktivnom igrokazu, prilagođenom njihovom uzrastu, u kojem su dobili uloge osoba, koje moraju napustiti svoje domove, te naći rješenje za prelazak u sigurnu zonu, izvršavajući razne metodičke zadatke. Na kreativnom dijelu radionice su napravili razglednice sa porukama za ljude, koji su morali napustiti svoju zemlju.

Eko projekat 2019.

U maju je ponovo formiran eko tim, te su održane informativne i kreativne radionice, gdje su učesnici upoznati sa planom rada i aktivnostima za naredna dva mjeseca. Prva veća aktivnost je bila kreiranje banera na velikoj plati sa porukom „Svi smo isti, treba da se čisti“, te ulična akcija „Buvljak“. Na buvljaku, koji je održan 13. 06. se prodavala odjeća i knjige, a od novčanih sredstava će se kupiti mladice stabala, koja će biti zasađena u „Sigurnoj zoni“, pored rijeke, koja je u našem gradu poznata kao mjesto okupljanja mladih. Ovaj projekat ima za



cilj podizanje svijesti o zaštiti okoline, te smanjenju korištenja plastičnih vrećica i ostalih predmeta od plastike u svakodnevnicu. Učesnici Eko projekta su mladi uzrasta 15+, a sve radionice su održane u prostorijama Omladinskog centra Brčko distrikt. Koordinatorica projekta je Edina Vošanović uz asistenciju Irme Rešidović, koordinatorice AsuBiH lokalnog tima Brčko distrikt.

Za jul se planira nastavak svih redovnih radionica Omladinske organizacije Svitac

Institut za
razvoj mladih KULT



Ul. 4. Viteške brigade
34 – 36 BA, 71210 Ilidža,
Sarajevo
Tel: +387 33 778 778.
Fax: +387 33 778 79
E-mail: kult@mladi.org, web:
www.mladi.org

180.000 KM za bolje obrazovanje djece i mladih

EXIT Centar, Centar za podršku poslovanju u oblasti informacionih tehnologija iz Banje Luke, nastaviti će povećavati STEM pismenost kod djece i mladih. STEM pristupom djeca i mladi će imati mogućnost učiti i razmišljati kritički, i to u oblastima nauke, matematike, inženjeringa i tehnologije (STEM: Science Technology Engineering Mathematics).

Potpisan je i ugovor o dodjeli granta između gosp. Zorana Gajića, direktora EXIT Centra, i gosp. Jasmina Bešića, direktora Instituta za razvoj mladih KULT, za podršku ovom projektu u vrijednosti od oko 183 hiljade KM. Sredstvima Švedske ambasade, a uz podršku Instituta, EXIT Centar će educirati minimalno 150 djece i mladih uzrasta od 7 do 18 godina iz oblasti STEM disciplina tokom dvomjesečnog i četveromjesečnog edukativnog programa, dok će se tridesetero mladih prekvalificirati za digitalne poslove. Projekt će promovirati STEM edukativne programe korisnicima kroz minimalno 50 događaja u narednih 12 mjeseci.

Na ovaj način djeca i mladi bit će usmjereni na buduće poslove 21. stoljeća. Učestvovat će na obrazovnim programima koji nisu u redovnom nastavnom programu za osnovne, srednje škole i studente, kako bi se probudio njihov interes za STEM oblasti, u kojima će oni biti budući lideri. STEM, uključujući informacione tehnologije kao svoj sastavni dio, pozitivno doprinosi direktnom otvaranju radnih mjesta u svim industrijskim sektorima, rastu BDP-a, pojavljivanju novih industrija i usluga, širokoj transformaciji radne snage i povećanju preduzetništva i, na kraju, poslovnim inovacijama. STEM je važan jer prožima svaki aspekt čovjekovog života. Visokokvalitetna STEM iskustva razvijaju vještine kritičkog mišljenja, povećavaju naučnu pismenost i omogućavaju sljedeću generaciju inovatora.

Nastavni program koji je baziran na STEM-u sadržava situacije iz stvarnog života koje pomažu učeniku u izučavanju. U 21. st. naučne i tehnološke inovacije postaju sve važnije jer se suočavamo s prednostima i izazovima globalizacije i ekonomije zasnovane na znanju.

Bržim usvajanjem novih tehnologija, vanškolski STEM centri za učenje, kao što je i EXIT Centar, imaju važnu ulogu u promociji STEM-a na učinkovit način. Paralelni obrazovni program koji nudi dopunski obrazovni sadržaj formalnom školovanju jeste upravo način da se mladi upoznaju sa svjetskim STEM trendovima i popune prazninu koja postoji u formalnom sistemu obrazovanja.

Duffy u posjeti Institutu: Mladi su budućnost BiH

Bosna i Hercegovina treba dati mladima priliku da prave promjene, poručio je Peter Duffy, Šef Misije USAID-a u BiH tokom posjete Institutu za razvoj mladih KULT.

Duffy je u sklopu programa „Kafa sa...“, koji Institut već tradicionalno organizuje kako bi mladima pružio priliku da se susretnu i razgovaraju sa značajnim ličnostima iz različitih oblasti, razgovarao sa mladima o brojnim značajnim temama.

Programu „Kafa sa...“ prisustvovali su mladi iz cijele BiH, a zanimali su se za teme obrazovanja, zapošljavanja, aktuelnu situaciju u zemlji, ali i primjere dobre prakse sa kojima se Duffy susretao tokom svog angažmana u BiH.

Na jednom mjestu susreli su se uspješni mladi koji su ranije bili polaznici obuka koje organizuje Institut. Jedan od osnovnih ciljeva Instituta jeste pružanje mogućnosti mladima za pohađanje neformalnog obrazovanja, a o dosadašnjoj uspješnosti svjedoče brojni mladi, koji su naučili kako biti aktivni građani i građanke društva.

Institut je do sada u saradnji sa USAIDom realizovao niz aktivnosti kojim su u fokusu bili mladi i marginalizirane grupe društva.



Poboljšanje ljudskih prava u bh. Privrednom sektoru

Poštovanje ljudskih prava radnika tema je o kojoj se tokom mjeseca juna govorilo u Goraždu, Zenici, Bijeljini i Mostaru, a u okviru javnih konsultacija o upitniku kroz koji se želi ustanoviti u kolikoj mjeri se poštuju ljudska prava u privrednom sektoru u Bosni i Hercegovini.

Upitnik je kreirao Institut za razvoj mladih KULT u sklopu projekta „Poboljšanje ljudskih prava u privrednom sektoru“ koji finansira Evropska unija, a susreti privrednika i predstavnika vlasti organizovani su kako bi bili prikupljeni relevantni komentari i sugestije na trenutnu verziju.

Ovim konsultacijama želi se ispitati koliko su pitanja u upitniku odgovarajuća i u kojoj mjeri će privrednici biti u mogućnosti da ponude odgovore. Komentari i sugestije koji su prikupljeni tokom konsultacija bit će uvršteni u finalnu verziju upitnika.

Ovo je ujedno bila i prilika da se privrednicima predstave Vodeća načela UN-a (UNGP) koja su poslužila za kreiranje upitnika, ali i da se razgovara o ukupnoj situaciji po pitanju ljudskih prava u privrednom sektoru.

Nakon kreiranja, upitnik će biti distribuiran privrednicima u Bosni i Hercegovini, a sve sa ciljem da se poboljša trenutno stanje koje je prema svim dosadašnjim parametrima nepovoljno po radnike/ce.



U Bosni i Hercegovini ne postoje relevantni statistički podaci o negativnim korporativnim utjecajima na ljudska prava. Nedovoljna svijest i nedostatak znanja o Vodećim načelima UN-a (UNGP), te odgovarajućim očekivanjima od države, obavezama i praktičnim uputstvima za provođenje Načela, radnici/e u privrednom sektoru sve se češće susreću s nepoštivanjem svojih ljudskih prava.

Projekat „Poboljšanje ljudskih prava u privrednom sektoru“ Evropska unija finansira s skoro 200.000 eura, a provodi je Institut za razvoj mladih KULT u partnerstvu sa Udruženjem poslodavaca FBiH.

Događaj za službenike za mlade: Kako biti zajednica naklonjena mladima – provedba Zakona o mladima



KAKO BITI ZAJEDNICA NAKLONJENA MLADIMA
provedba zakona o mladima u BiH

seminar za službenike/ce za mlade se održava
9-12.7.2019.

Rok za prijavu
3.7.2019. do 13.00h

Institut za razvoj mladih KULT | MLADI.ORG

Institut za razvoj mladih KULT u julu će organizovati još jedan u nizu događaja za službenike/ce za mlade.

Seminar za službenike/ce za mlade pod nazivom „Kako biti zajednica naklonjena mladima – provedba zakona o mladima“ namijenjen je službenicima/ama za mlade kako bi razmotrili sve aspekte mehanizama koje zakoni o mladima propisuju, načine njihove provedbe u lokalnoj zajednici, te mogućnosti međusobne saradnje službenika/ca za mlade.

Svakodnevni rad i djelovanje službenika/ce za mlade u lokalnim zajednicama od iznimne je važnosti za razvoj zajednica u kojima djeluju, ali i za svakog mladog čovjeka s kojim rade. Istovremeno, usavršavanje i unaprjeđenje položaja službenika/ce za mlade Institutu za razvoj mladih KULT

jedan je od prioriteta jer jedino zajedničkim snagama možemo unaprijediti položaj mladih u našoj zemlji i pomoći im da istinski postanu aktivni građani/ke.

Bosna i Hercegovina se radom s mladima bavi kroz tri zakona u sve tri administrativne jedinice. Ovi zakoni jednako definiraju mlade i jedan dio mehanizama za mlade. Ipak uloga službenika /ce za mlade u jedinicama lokane samouprave nije jednako prepoznata i provedba zakonskih mehanizama se ne odvija jednako u svim dijelovima BiH.

Važnost provedbe svih zakonskih mehanizama za mlade, njihova provedba i potrebe službenika/ca za provedbu mehanizama su tema trećeg seminara za službenike/ce za mlade u BiH. Kroz višednevni rad službenici/ce će razmatrati načine kako bolje provoditi zakonske mehanizme za mlade i kako unaprijediti saradnju sa drugim službama u lokalnim zajednicama u cilju boljeg položaja mladih.

Događaj će okupiti oko 25 službenika/ca za mlade iz Bosne i Hercegovine.

Podaci, preporuke i mišljenja prikupljena tokom događaja sa svih tematskih područja stajat će na raspolaganju relevantnim institucijama nadležnim za pitanja mladih na svim nivoima vlasti te korišteni za dalje kreiranje obuka za službenike/ce za mlade.



Asocijacija srednjoškolaca u Bosni i Hercegovini

Ul. Mula Mustafe Bašeskije 7, 71000 Sarajevo
Tel/fax: +387 33 205 850
E-mail: asubih@yahoo.com
Web: www.asubih.ba

Novi projekat "Forum Teatri"

Asocijacija srednjoškolaca u Bosni i Hercegovini se godinama bavi pitanjem fenomena "dvije škole pod jednim krovom", te kroz različite projekte daje priliku mladima da razgovaraju o tome i kreiraju konkretne aktivnosti za nastavak borbe protiv segregacije u obrazovanju.

Najavljujemo vam novi veliki projekat pod nazivom "Forum teatri", koji je osmišljen tako da uključuje srednjoškolce iz četiri zajednice iz BiH u kojima je prisutan fenomen "dvije škole pod jednim krovom", a to su: **Bugojno, Busovača, Gornji Vakuf – Uskoplje i Stolac.**

Šta je Forum teatar?

Forum teatar predstavlja skup igara i vježbi, kojima se učesnici/ce prvo opuštaju, upoznaju, dolaze u kontakt sa svojim tijelom, glasom, upoznaju druge i uče se da rade u timu. Kroz rad, učesnici/ce pojedinačno ili u grupi definišu probleme koje ih lično dotiču, a tiču se zajednice kojoj pripadaju.

Nakon definisanja problema, on počinje da se postepeno iskazuje pozorišnim jezikom, te se kreiraju forum scene. Učesnici/ce Forum Teatra dalje rade na razvijanju likova i uvježbavanju scena. Forum scene su kratke scene u kojima je vrlo konkretno prikazan problem opresije i diskriminacije.

Nakon što se naprave scene koje oslikavaju jedan od problema zajednice, s kojima se pojedinac/ka ili grupe suočavaju, slijedi uvježbavanje. Scene se fiksiraju, uvježbavaju, i grade se likovi.

Zašto baš "Forum teatri"?

Kroz forum teatre u ova četiri grada ćemo dobiti značajne pokazatelje o tome kako je to biti učenik u školi u kojoj je priustan najvidljiviji oblik segregacije. Forum teatar možemo posmatrati i kao svojevrsnu platformu za isprobavanje rješenja, gdje se pojedinci/ke osnažuju da djeluju i da se suočavaju s problemom svoje zajednice i ličnim problemima. Nije cilj da se ponudi sjajno rešenje u scenama, već je cilj ponuditi što više mogućnosti i osjetiti kako je biti u određenoj ulozi, kako bi razumjeli nekoga ko je potlačen, nad kim je vršena diskriminacija po bilo kom osnovu.

U svakoj lokalnoj zajednici će biti po jedna predstava, te će ovaj projekat trajati naredna 4 mjeseca. Prvi korak je prijava i odabir učesnika, a nakon toga će se održati dvodnevne posjete stručnih saradnika u svakoj lokalnoj zajednici, kako bismo ispitali stavove. Poslije toga slijedi priprema i realizacija predstava gdje će učesnici posebno raditi u svojim lokalnim zajednicama, a nakon završetka sve četiri – završna ceremonija!

Prijave traju do 02.07.2019. godine.

Pozivamo sve srednjoškolce/ke iz ova četiri grada da se prijave putem linka:

<https://docs.google.com/forms/d/e/1FAIpQLSfBma0efYVwBTC-2TyfjPNAPHqgXYf4p0OLjknVhpOUUnppGg/viewform>

Aktivnost „Forum teatri“ je podržano od strane BHRI (Bosnia and Herzegovina Resilience Initiative) projekta.

Projekat lokalnog tima Tešanj

Lokalni tim Tešanj, pri Asocijaciji srednjoškolaca u Bosni i Hercegovini u periodu 29.6. do 3.7.2019. organizuje petodnevnu edukaciju na temu prevencije korištenja narkotika uz pomoć PS Tešanj, Centra za

mentalno zdravlje Tešanj, Gimnazije Tešanj, Crvenog križa Tešanj i Izviđača za 25 mladih u Izviđačkom domu Kiseljak. Edukacija će sadržavati radionice na temu osnaživanja ličnih kapaciteta i životnih vještina primjenjujući kocept vršnjačke edukacije i edukacije od strane stručnjaka te prve pomoći, izviđačkih vještina, pisanja i implementacije projekata, teambuilding radionica te večeri društvenih i sportskih aktivnosti te igre bez granica, zadnji dan je planirana posjeta gradini. Troškove hrane, smještaja te refundaciju putnih troškova snosi organizator.

Rok za prijavu je 25.6. 2019. do 23:59.

Projekat lokalnog tima Busovača

Lokalni tim Busovača, Asocijacije srednjoškolaca u Bosni i Hercegovini, organizuje edukativni seminar za srednjoškolce na temu pisanja projekata. Na seminaru ćemo raditi o problemima lokalne zajednice, kako uočiti i definisati problem, te na osnovu toga kreirati ideje za rješenje istih koje ćemo realizovati. Cilj seminara nije samo edukacija mladih ljudi nego to da upravo ti mladi ljudi direktno djeluju i poboljšaju lokalnu zajednicu.

Trodnevni seminar će se održati na mjestu Revir, nedaleko od Busovače od 06. do 08.7.2019. godine. Mjesto Revir se nalazi u samom srcu Bosne i Hercegovine, okruženo šumom, rijekom i čistim zrakom. Troškovi hrane, smještaja i prijevoza su u potpunosti pokriveni od strane organizatora za sve učesnike. Rezultate odabranih učesnika ćemo objaviti 01.7.2019. godine na vaše e-mail adrese.

Pripremni trening za koordinate Socijalnog dana 2019.

Asocijacija srednjoškolaca u BiH vrijedno radi i sprema nove stvari!

U periodu 7.-9.06.2019. u Sarajevu je održan trening za koordinate Socijalnog dana 2019. Treningu su prisustvovali regionalni i lokalni koordinatori. Gradovi nositelji su oni gradovi u kojima se lobira najveći broj radnih mjesta.

Gradovi nositelji su: **Banja Luka, Bihać, Bijeljina, Brčko, Bugojno, Cazin, Fojnica, Goražde, Gračanica, Gradačac, Kakanj, Ljubuški, Mostar, Posušje, Sarajevo, Tešanj, Trebinje, Tuzla, Visoko i Zenica.** Amila Čengić, članica Upravnog odbora čiji je zadatak da tokom cijele godine vrijedno radi i sprema implementaciju Socijalnog dana 2019, kaže kako su njena očekivanja ovim treningom ispunjena, te se nada kako će ovaj Socijalni dan pomjeriti sve granice očekivanog i biti najbolji do sada. Zajedno sa trenerima, učesnici su tokom trodnevnog treninga imali priliku raditi na vještinama komunikacije i lobiranja, te su kroz simulacije usavršavali stečeno znanje.

Diana Osmić, regionalni koordinator:

“Moje ime je Diana Osmić i ja sam regionalni koordinator Socijalnog dana 2019. Ovogodisnji trening je za mene predstavio priliku da utvrdim znanje koje sam stekla prošle godine i da saznam još mnogo novih stvari o lobiranju, načinima komunikacije i kako se osloboditi straha od nepoznatog. Nakon njega sam spremna pomoći učiniti ovaj Socijalni dan najboljim do sada.”

Sa treningom je i zvanično je počela priprema Socijalnog dana 2019 – te će svi timovi u narednom periodu komunicirati sa svojim regionalnim koordinatorima.

INFORMACIJE / DONATORI / POZIVI

Omladinsko građansko preduzetništvo raspisalo poziv za takmičenje

Omladinsko građansko preduzetničko takmičenje raspisalo je prijave za kandidate u oblasti preduzetništva, biznisa, neprofitnih organizacija.

OBLAST:

Preduzetništvo, biznis

OPIS

Raspisan je konkurs za prijave za Omladinsko građansko preduzetničko takmičenje 2019. Omladinsko građansko preduzetničko takmičenje je globalno onlajn takmičenje za ostvarivanje 17 održivih razvojnih ciljeva i poslovnih ideja/projekata. Ova globalna platforma jača mlade preduzetnike iz cijelog svijeta za angažovanje u mirnijem svijetu. Učesnici su pozvani da predstave svoje inovativne ideje i projekte i da sprovedu jedan ili više od 17 ciljeva održivog razvoja kao i 169 povezanih ciljeva koji se bave najvažnijim društvenim, ekonomskim, ekološkim, zdravstvenim izazovima našeg vremena. Program je aktivnost globalnog akcionog programa UNESCO-a o obrazovanju za održivi razvoj.

USLOVI

Potrebno je da imate između 15 i 35 godina, da imate inovativnu ideju za preduzeće koje doprinosi ciljevima održivog razvoja ili da vodite takvo preduzeće u formi biznisa, neprofitne organizacije ili neformalnog programa. Potrebno je poznavanje engleskog.

NAČIN PRIJAVE

Kako biste se prijavili ispunite onlajn aplikacionu formu na <https://www.entrepreneurship-campus.org/register/>

ROK ZA PRIJAVU:

31. jul 2019.

Detaljnije na: <https://www.entrepreneurship-campus.org/>

Švicarski grantovi za male projekte 2019. – 2022.

Cilj [Strategije saradnje Švicarske u Bosni i Hercegovini \(PDF, 2.2 MB\)](#) je stvoriti više i bolje socijalne, ekonomske i političke mogućnosti za građane i građanke Bosne i Hercegovine. Osnov Strategije čine veliki i dugoročni programi.

Kako bi se podržale komplementarne inicijative, Ambasada Švicarske u BiH može dodatno (su)finansirati projekte koje provode lokalne organizacije uz pomoć grantova za male projekte.

Prihvatljivi projekti moraju biti inovativni, manji i socijalno, ekonomski, ekološki i politički relevantni. Intervencije moraju dati opipljive rezultate na individualnom i/ili nivou politika i direktno doprinijeti rezultatima sadašnje Strategije i šire.

Postoji značajan potencijal za dodatnu vrijednost u malim projektima kada su oni autentični i kreativni sa vidljivim uticajima, te kada se pilotiraju nova lokalna partnerstva. Osim toga, oni mogu djelovati kao pokretači za otkrića novih ideja ili pristupa.

Ambasada se fokusira na pružanje podrške projektima u svim geografskim područjima BiH.

Prijave

Najprije pročitajte kriterije prihvatljivosti i uslove na: [link \(PDF, 559.8 kB\)](#).

Podnosioci prijave se pozivaju da pošalju elektronske kopije popunjenih obrazaca za prijavu i budžet (vidi linkove u nastavku) na sljedeću e-mail adresu: sar.smallactions@eda.admin.ch s naslovom „Prijava za male projekte“. Ambasada će primati prijave sve dok odobrena sredstva za grantove za male projekte ne budu utrošena.

Prijave sa potraživanjem doprinosa jednakog ili većeg od 20.000 CHF ekvivalentno predstavljenog u valuti BAM (prema kursnoj listi u vrijeme podnošenja projektnog prijedloga) moraju se dostaviti na engleskom jeziku, dok se ostale prijave mogu podnijeti na engleskom ili lokalnom jeziku.

Svaka organizacija ili institucija može dobiti sredstva samo za jedan projekat u trenutnoj fazi malih projekata Ambasade (mart 2019. – februar 2022.).

Ne zaboravite spasiti obrasce na svom kompjuteru prije početka ispunjavanja prijave.

Obrazac za prijavu:

- [Lokalni jezik \(DOCX, Pages 4, 45.6 kB\)](#)
- [Engleski jezik \(DOCX, Pages 4, 45.5 kB\)](#)

Obrazac za budžet:

- [Lokalni jezik \(XLSX, 13.8 kB\)](#)
- [Engleski jezik \(XLSX, 15.0 kB\)](#)

Strategija saradnje Švicarske u BiH

- [Lokalni jezik \(PDF, 2.2 MB\)](#)
- [Engleski jezik \(PDF, Pages 44, 3.4 MB\)](#)

Challenge fond nastavlja sa podrškom inovativnim kompanijama u BiH

Privredni subjekti iz Bosne i Hercegovine i Švedske sa inovativnim poslovnim idejama, proizvodima ili uslugama koje mogu dovesti do smanjenja nezaposlenosti, povećanja konkurentnosti i održivog društveno-ekonomskog razvoja u BiH, po četvrti put imaju priliku dobiti bespovratna sredstva iz Challenge fonda.

Fond raspolaže ukupnim iznosom od oko 3 miliona eura, a indikativni iznos sredstava u okviru četvrtog poziva je 800.000 eura. Za potencijalne korisnike iz kategorije startup-a, koji su registrovani najmanje 6 mjeseci, a najduže dvije godine, predviđen je maksimalni iznos granta do 10.000 eura, dok korisnici iz kategorije zrelih privrednih subjekata do 250 zaposlenih, koji obavljaju djelatnost duže od dvije godine, mogu računati na podršku u maksimalnom iznosu do 30.000 eura.

Aplikanti moraju obezbijediti i minimalno vlastito učešće od 50 posto ukupne vrijednosti predloženog projekta. Period implementacije projekta ne može trajati duže od 12 mjeseci. Sve prijave na javni poziv biće ocijenjene u skladu sa tri osnovna kriterija: inovativnost poslovne ideje, izvodljivost i održivost poslovne ideje i društvena korist.

Aplikacije se podnose isključivo u elektronskoj formi u skladu s uputstvima koja se nalaze u dokumentu Smjernice/Vodič za aplikante, koji su sastavni dio Aplikacionog paketa koji je dostupan na www.c2c.ba. Samo aplikacije dostavljene putem elektronske forme će biti uzete u razmatranje, dok se štampane aplikacije ili aplikacije dostavljene e-mailom neće razmatrati.

Rok za podnošenje aplikacija je 16. juli 2019. godine do 16:00 sati.

Challenge fond uspostavljen je u okviru projekta Challenge to Change – C2C koji finansijski podržava Švedska agencija za međunarodni razvoj i saradnju – Sida/Ambasada Švedske u BiH, a koji kroz četiri godine provode Sarajevska regionalna razvojna agencija SERDA i Republička agencija za razvoj malih i

srednjih preduzeća. Partner u projektu je i Region Ostergotland, Istočna Švedska.

Projektom je planirano ukupno pet javnih poziva. U okviru prva dva podržano je 58 privrednih subjekata iz BiH i Švedske ukupnim iznosom granta od 1,3 miliona eura. Realizacijom ovih projekata omogućeno je otvaranje 300 novih radnih mjesta. U toku je proces ugovaranja sa 50 privrednih subjekata čije su projektne ideje odobrene u okviru trećeg javnog poziva.



Dragi prijatelji,

Ukoliko ste zainteresovani da se u mjesečnom informativnom biltenu Omladinskog resursnog centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.

Rok za dostavljanje informacija za svako naredno izdanje je 30-ti u mjesecu.

Adrese za slanje vaših informacija za mjesečni bilten:
**Omladinski resursni centar
Tuzla
Hadži Bakirbega Tuzlića 1
75000 Tuzla
tel/fax: 035 258 077
e-mail: orcuzla@bih.net.ba**

*Mjesečni bilten uređuje
Omladinski resursni centar -
ORC Tuzla*

Urednik Biltena:
Mirela Biković

Prevod Biltena na engleski:
Kristina Stević, Emir Karamujić

WEB stranica Mreže:
www.omladina-bih.net

Mejling lista Mreže:
posta@omladina-bih.net

Webmaster:
emir.delalic@gmail.com